

徐氏醫學十六種

R2-51
~~26-1~~
13-3

吳江徐靈胎回溪著

婦人

素問

六元正紀大論黃帝問曰婦人身重毒之何如岐伯曰有故無殞亦無殞也帝曰願聞其故岐伯曰大積大聚其可犯也衰其大半而止過者死腹中論帝曰何以知懷子之且生也岐伯曰身有病而無積脈也奇病論黃帝問曰人有重身九月而瘖此何為也岐伯曰胞之絡脈絕也帝曰何以言之岐伯曰胞絡者繫於腎少陰之脈貫腎繫舌本故不能言帝曰治之奈何岐伯曰無治也當十月復平人氣象論婦人手少陰脈動甚者妊子也

難經

妊之為瘕其內苦結女子為瘕聚左者為腎右者為命門命門者諸精神之所舍原氣之所繫也男子以藏精女子以繫胞

金匱

問曰新產婦人有三病一者病瘕二者病鬱冒三者大便難何謂也曰新產血虛多汗出喜中風故令病瘕亡血復汗寒多故多鬱冒亡津液胃燥故大便難產婦鬱冒其脈微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之雖當汗出不宜太過師曰產婦腹痛法當以枳實芍藥散假令不愈者此為腹中有瘀血著臍下宜下瘀血湯主之亦主經水不利產後七

八日無太陽證少腹堅痛此惡露不盡不大便煩燥發熱切脈微實再倍發熱日晡時煩燥者不食食則
讓語至夜即愈宜大承氣湯主之熱在裏結在膀胱也 婦人傷寒發熱經水適來晝日明了暮則譫語
如見鬼狀者此為熱入血室治之無犯胃氣及上二焦必自愈 婦人中風發熱惡寒經水適來得七八
日熱除脈遲身涼和胸脇滿如結胸狀譫語者此為熱入血室也當刺期門隨其實而取之期門二穴在乳頭直下四寸第二肋端此等婦人之病因虛積冷結氣為諸經水斷絕至有歷年血寒積結胞門寒傷經絡凝堅在
上嘔吐涎唾久成肺癰形體損分在中盤結繞臍寒疝或兩脇疼痛與臟相連或結熱中痛在關元脈數
無瘡肌若魚鱗時著男子非止女身在下未多纏候不勻今陰掣痛少腹惡寒或引腰脊下根氣街氣街
急痛膝脛痠煩奄忽眩暈狀如厥癰或有憂慘悲傷多嘔此皆帶下非有鬼神久則羸瘦脈虛多寒三十
六病千變萬端審脈陰陽虛實緊強行其針藥治危得安其雖同病脈各異源子當辨記勿謂不然 問
曰婦人年五十所病下痢數十日不止暮即發熱小便裏急腹滿手掌煩熱唇口乾燥何也師曰此病屬
帶下何以故曾經半產瘀血在少腹不去何以知之其證唇口乾燥故知之當以溫經湯主之 婦人陷
經漏下黑不解膠薑湯主之方無考按本云宜是膠艾湯 婦人懷娠六七月脈弦發熱其胎愈脹腹痛惡寒者少腹
如扇形容惡寒之盛所以然者子臟開故也當附子湯溫之方無考 婦人傷胎懷身腹滿不得小便從腰以下重
如有水氣狀懷身七月太陰當養不養此心氣實當刺滿勞宮關元小便微利則愈

病源

妊娠數墮胎候 血氣虛損子臟為風冷所居則血氣不足故不能養胎所以致胎數墮候妊娠而恆腰
痛者喜墮胎也按墮胎皆由於血熱兩胎一死一生候 陽施陰化精盛有餘者則成兩胎其兩胎而一死者候其
胎上冷是胎已死也

妊娠過年不產。由挾寒冷宿血在胞而有胎則冷血相搏令胎不長產不以時。若其胎在胞日月雖多其胎翳小。轉動勞羸是挾於病必過時乃產。

胞轉 臍下急痛小便不通是也。其病由不同胞轉及胞落並致死。

帶下三十六疾 諸方說三十六疾者是十二癢九痛七害五傷三固是也。十二癢者是所下之物一如膏二如青血三如紫汁四如赤皮五如膿痂六如豆汁七如麥根羹八如凝血九如青血血似水十如米汁十一如月澆十二經度不應期也。九痛者一陰中傷痛二陰中淋痛三小便即痛四寒冷痛五月水來腹痛六氣滿並痛七汁出陰中如蟲嚙痛八脇下皮痛九腰痛七害者一害食二害氣三害冷四害勞五害房六害妊七害睡五傷者一窮孔痛二中寒熱痛三小腹急牢痛四臟不仁五子門不正引腎痛三固者一月水閉塞不通其餘二固文缺不載。

與鬼交 臟腑虛神守弱鬼氣得病之也。其狀不欲見人獨言笑悲泣脈來遲伏或如鳥啄。

惡阻 心中潰悶頭眩四肢煩疼懈惰不敏執作惡聞食氣欲噉食鹹酸果食多睡少起乃至三四月以上大劇者不能自勝舉也。此由婦人元本虛羸血氣不足腎氣文弱兼當風食冷太過心下有痰氣挾之而有妊也。

子滿 此由脾胃虛弱有停水而挾以妊娠也。水清於胞則令胎壞。惟將產之月而脚微腫則其產易蓋胞藏水血多也。初妊娠者則反壞胎。

胎漏 此由衝任脈虛不能約制太陽少陰之經血也。亦名胞阻。漏血盡則人斃也。

鬼胎 正虛則妖魅精入臟狀如懷娠。

胎疸 其母臟氣熱薰蒸於胎。

血分 是經血先斷而後成水病。以其月水壅塞不通，經血分而為水，故曰血分。

胞絡傷損 子臟虛冷，氣下衝，則陰挺出，謂之下胞。亦有因產用力，偃氣而陰脫者。

陰臭 由于子臟有寒，寒搏於津液，蘊積氣衝於陰，故變臭也。此亦由內熱所致

子臟開 由于子臟宿虛，因產冷氣乘之，血氣得冷，不得相榮，故令開也。

婦人方

桂枝茯苓圓 金 治婦人宿有癥病，經斷未及三月而得漏下不止，胎動在臍上者，為癥癰，害妊娠六月

動者，前三月經水利時胎也。下血者，後斷三月，所以血不止者，其癥不去故也。當下其癥，此主之。

桂枝 丹皮 茯苓 桃仁去皮 芍藥各等 右五味末之，煉蜜丸如兔屎大，每日食前服

一丸，不知加至三丸。

當歸芍藥散 金 治婦人懷妊腹中疝痛

當歸 三兩 芍藥 一斤 茯苓 四兩 白朮 四兩 澤瀉 半斤 芎藭 三兩 枳殼 散取方寸匕 酒和日三服

乾薑人參半夏丸 金 治妊娠嘔吐不止

乾薑 人參各一兩 半夏 二兩 右三味末之，生薑汁糊丸如梧子大，飲服十九日，三

葵子茯苓散 金 治妊娠有水氣，身重小便不利，瀼瀼惡寒起即頭眩

葵子 一斤 茯苓 三兩 右二味杵為散，飲服方寸匕，日三服，小便利則愈。

當歸貝母苦參丸 金 治妊娠小便難，飲食如故

當歸 貝母 苦參 各等分 右三味末之，蜜丸如小豆大，飲服二丸，加至十丸。

當歸散 金 婦人妊娠宜常服

當歸 黃芩 芍藥 芫蕪 白朮 右五味村為散酒服方寸匕日再服

服即易產胎無苦疾產後百病悉主之

白朮散 金 妊娠養胎

白朮 芫蕪 蜀椒 三分 牡蠣 右四味杵為散酒服一錢匕日三服夜一服但苦痛加芍藥

心下毒痛倍加芫蕪心煩吐痛不能飲食加細辛一兩半夏大者二十枚服之後更以酸漿水服之若

嘔以醋醬水服復不解者小麥汁服之以後渴者大麥粥服之病雖愈服之勿置 原本無分兩

枳實芍藥散 金 治產後腹痛煩滿不得臥

枳實 燒令黑 勿太過 芍藥 等分 右二味杵為散服方寸匕日三服并主癰腫以麥粥下之假令腹痛不愈

此為腹中有瘀血著臍下宜下瘀血湯主之亦主經水不利

下瘀血湯 金

大黃 三兩 桃仁 二十枚 蟅蟲 二十枚 末之蜜和為四丸以酒一升煎一丸取八合頓服之新血下如豚

肝 以丸作煎又一法按新字當作瘀字

竹葉湯 金 治產後中風發熱面正赤喘而頭痛

竹葉 一把 葛根 三兩 防風 桂枝 桔梗 人參 甘草 各一兩 附子 一枚 大棗 十五枚

生薑 五兩 右十味水一斗煮取二升半分溫三服溫覆取汗出頸項強用大附子一枚破之如

豆入前藥揚去沫嘔者加半夏半升洗

竹皮大丸 金 治婦人乳中虛煩亂嘔逆安中益氣

生竹茹 二分 石膏 二分 桂枝 一分 甘草 七分 白薇 一分 右五味末之棗肉丸如彈子大飲服一丸

日三夜二 有熱倍白薇 煩喘者加柏實一分

白頭翁加甘草阿膠湯治產後下痢虛極

白頭翁 甘草 阿膠各二兩 秦皮三兩 黃連二兩 柏皮三兩

右六味水七升煮二升半納膠

令消分溫三服

半夏厚朴湯治婦人咽中如有炙臠

半夏一升 厚朴三兩 茯苓四兩 生薑五兩 乾蘇葉二兩

右五味水七升煮取四升分溫四服日三

夜一

甘麥大棗湯治婦人臟燥悲傷欲哭象如神靈所作數欠伸此主之

甘草三兩 小麥一升 大棗十枚 右三味水六升煮取三升分溫三服亦補脾氣

溫經湯主婦人曾經半產瘀血在少腹不去其證唇口乾燥

吳茱萸三兩 當歸二兩 芍藥二兩 人參二兩 桂枝二兩 阿膠二兩 丹皮三兩 生薑三兩

甘草二兩 半夏一升 麥冬一升 水一斗煮取三升分溫三服 亦主婦人少腹寒久不受胎兼治

崩中去血或月水來過多及至期不來調經總方

土瓜根散治帶下經水不利少腹滿痛經一月再見

土瓜根 芍藥 桂枝 廣蟲各三兩 右三味杵為散酒服方寸匕日三服此治瘀血伏留

旋復花湯寸口脈弦而大弦則為減大則為芤減則為寒芤則為虛寒虛相搏此名曰革婦人則半

產漏下此湯主之

旋復花三兩 葱十四莖 新絳少許 水三升煮取一升頓服

大黃甘遂湯金 治婦人少腹滿如敦狀小便微難而不渴此為水與血俱結在血室也此主之

大黃四兩 甘遂二兩 阿膠二兩 右三味以水三升煮取一升頓服其血當下

礬石丸金 治經水閉不和臟堅癖不止中有乾血下白物

礬石三分 杏仁一分 右二味末之煉蜜丸棗核大納臍中劇者再納之

紅藍花酒金 治婦人六十二種風腹中血氣刺痛

紅藍花兩 酒升 煎減半頓服一半未止再服

蛇床子散金 治婦人陰寒溫陰中坐藥

蛇床子一味末之以白粉少許和合相得如棗大綿裹納之自然溫

狼牙湯金 治婦人陰中生瘡蝕爛者

狼牙三兩 水四升 煮取半升以綿纏助如蘭絞湯漉陰中日四遍

三物黃芩湯金 治婦人在草蓐自發露得風四肢苦煩熱頭痛者與小柴胡湯頭痛但煩者此湯主之

黃芩一兩 苦參二兩 地黃四兩 右三味水六升煮取二升溫服一升多吐下蟲

當歸建中湯金 治產後虛羸不足腹中刺痛不止吸吸少氣或苦少腹中急摩痛引腰背不能食飲產

後一月日得服四五劑為善令人強壯宜

當歸四兩 桂枝三兩 芍藥六兩 生薑三兩 甘草二兩 大棗十二 右六味水一斗煮取三升分溫三

服一日令盡若大虛者加飴糖六兩湯成納之火上煖令飴消若去血過多崩傷內衄不止加地

黃六兩阿膠二兩

佛手散本方又 調經

芎藭二兩 當歸三兩 右為細末每服二錢水一盞酒二分煎七分溫服

回生丹 此催生之聖藥

錦紋大黃一斤 蘇木三兩 打碎用河水五 大黑豆三升 水浸取殼用絹袋盛同豆煮紅花三兩 炒黃

三四盤煎三米醋九斤 將大黃末入淨鍋下米醋三斤文火熬之以長木筋不住手攪之成膏再加

醋三斤熬之又加醋三斤次第加畢然後下黑豆汁三盤再熬次下蘇木汁次下花紅汁熬成大黃膏

取入瓦盆盛之大黃鍋亦鏟下入後藥同磨人參 當歸酒洗芎藭 香附醋炒

延胡索酒炒 蒼朮米泔炒 蒲黃隔紙炒 茯苓 桃仁各一兩去 牛膝五錢 甘草炙 地榆酒洗

川羌活 橘紅 白芍酒炒 木瓜 青皮各三錢 乳香 沒藥各二 益母草三兩

本香四錢 白朮三錢 米烏藥二兩五 良薑四錢 馬鞭草五錢 秋葵子三錢 熟地一兩酒浸九次

山稜五錢醋浸 五靈脂五錢醋炒 山萸肉五錢酒 上三十味并煎黑豆殼共曬為末入石臼內大

黃膏拌勻再下熟蜜一斤共搗千杵為丸重二錢七八分陰乾不可火烘燥蠟為殼護之用時去蠟

開骨散 臨產婦交骨不開

當歸五錢 龜板三錢醋 芎藭二錢 婦人髮一團 水煎服

奪命散 產後

沒藥 血竭等分 右研為細末纒產下用童便細酒半杯煎一二沸調下二錢良久再服其惡

血下行便不銜上免生百疾

下死胎方

桂木三錢 麝香當門子一粒 全研溫酒服須臾如手推下比之用水銀等藥此不致損元氣也

交加散方 治婦人榮衛不通經脈不調腹中攪痛氣多血少結聚為積產後中風

交加散

本方

治婦人榮衛不通經脈不調腹中撮痛氣多血少結聚為癥產後中風

主地黃

五兩研

生薑

五兩研

右交互用汁浸一夕各炒黃漬汁盡為度末之尋常腹痛酒調下三

錢尤不可缺

護胎方

本方

治妊娠時氣身熱令子不落

伏龍肝為末

水調塗臍下二寸乾則易差即止又取井中泥塗心下乾則易

海蛤散

本方

治婦人傷寒血結胸膈揉而痛不可撫近

海蛤

滑石

甘草

各一芒硝半兩

右為末每服二錢雞子清調下

小柴胡加地黃湯

本方

治婦人室女傷寒發熱或發寒熱經水適來或適斷晝則明了夜則譫語如見

鬼狀亦治產後惡露方來勿爾斷絕

柴胡

一分兩

人參

黃芩

甘草

生地黃

各半兩

右為末每用五錢水二盞生薑五片棗二

枚煎至八分去渣服

此即熱入血室

烏雞前圓局

治婦人胎前產後諸般疾患並皆治之

烏雞

一隻人參

白朮

石牀

丹皮

黃耆

烏藥

草菓

延胡索

地黃

乾者

木香

琥珀

肉豆蔻

各半兩

陳皮

紅花

川烏

海桐皮

芍藥

附子

泡去

肉桂

去粗皮

蓬莪朮

各三兩

蒼朮

米泔浸切

右細剉用烏雞雞一隻湯搗去毛及腸肚將上

藥安放雞腹中用新瓦瓶好酒一斗同煮令乾去雞骨以油單紙盛培乾為細末煉蜜丸如梧子大每

服三十丸

猪蹄湯局

治乳婦氣少血衰脈澀不行絕無乳汁

猪蹄

湯局

治乳婦氣少血衰脈澀不行絕無乳汁

猪蹄一隻 木通五兩 右將猪蹄淨洗依食法事治次用水一斗同木通浸煮得四五升取汁飲如

乳不下再服為妙

紫石英丸方局 治婦人久冷無子及數經墮胎經水不調崩漏帶下三十六病積聚癥瘕少腹急重小便

白濁

烏賊魚骨燒灰 甘草炙 柏子仁別研炒 山茱萸兩半 辛夷仁 肉桂去粗皮 卷柏 石斛

乾熟地黃 芎藭 牡蒙 禹餘糧醋淬七次 人參 續斷後 細辛 桑寄生

牛膝 厚朴薑汁炙 食茱萸 當歸炒 川烏泡去皮臍 乾薑泡 丹皮各一分 天門冬去心

紫石英細研飛各三兩 右為細末煉蜜丸如梧子大每服三十九溫酒或米飲下空心食前日二服

催主丹方局 治產婦產育艱難或逆或橫並宜服之

母丁香錢末一錢 麝香別研 兔腦髓臘月者去皮搗如泥 乳香別研細一分 右拌勻以兔腦和圓如雞豆大陰乾用油

紙密封貼溫水服一丸即時產下隨男左女右手握丸藥出是驗

小調經散方局 治產後敗血循經流入四肢腐爛如水服此血行腫消則愈

沒藥 琥珀 桂心 白芍 當歸各一細辛 麝香各五 為末薑汁酒各少許調

服此方治血分病最良

二味參蘇飲 治產後瘀血入肺咳嗽喘急

人參一兩 紫蘇二兩 疑 作一劑水煎服若既愈當用六君子湯以補脾胃若口鼻黑氣起急用

此藥加附子五錢亦有得生者

紫蘇飲方局 治子懸腹痛或臨產驚恐氣結連日不安或大小便不利

當歸 甘草 大腹皮水煎 人參 芎藭 橘皮各七分 白芍炒五錢 紫蘇一錢 薑蔥引

水煎服

紫散用酒煎 止血散

香附子炒黑存性 為末熱酒調方寸匕再服立定生末安胎

秦桂丸雜抄 治婦人無子。

秦光 桂心 杜仲 防風 厚朴各三錢 附子生用 茯苓各一兩 白薇 乾薑

沙參 牛膝 半夏路五人參一兩 細辛一兩 右十四味為末煉蜜丸如菉豆大每服三十

丸空心米飲任下未效再加數丸已覺有孕便不可服

求嗣方雜抄 壬子日合藥別日不用名助陽丹

細辛五錢 牛膝二兩 茯苓一兩 沒藥四錢 吳茱萸 白朮 白芩 秦光 乳香

防風 當歸去蘆各三錢 肉桂 厚朴 石菖蒲 附子各二錢 人參一錢 以上二方治胞寒

黃龍湯活人書 妊娠寒熱頭痛嘔噎不欲飲食腸下痛嘔逆痰氣及產後傷風熱入胞宮寒熱如瘧并經

水適斷病後勞復餘熱不解

柴胡一兩 黃芩 人參 甘草各一分 右四味每服五錢水一盞半煎一盞去渣溫服

桂枝湯金匱 婦人得平脈陰脈小弱其人渴不能食無寒熱名妊娠桂枝湯主之於法六十日當有此證

設有醫治過者却一月加吐下者則絕之見傷寒

小柴胡湯金匱 婦人中風七八日續來寒熱發作有時經水適斷此為熱入血室其血必結故使如瘧狀

見傷寒

大承氣湯金 產後七八日無太陽症少腹堅痛惡露不盡不大便煩躁發熱切脈微實再倍發熱日晡

時煩躁者不食食即嘔譁至夜即愈熱在裏結在膀胱也見傷寒

小青龍湯金 婦人吐涎沫醫反下之心下即痞當先治其吐涎沫此主之見痰飲 涎沫止乃治痞瀉心湯

主之見血

芫歸膠艾湯金 治陷經漏下黑不解見通

猪鬃膏煎金 胃氣下泄陰吹而正噎此穀氣之實也見疸

腎氣丸金 治婦人飲食如故煩熱不得臥而反倚息者此名轉胞不得溺也以胞系了戾故致此病但

利小便則愈即崔氏八味見通治

當歸生薑羊肉湯金 治產後腹中疝痛并治腹中寒症虛勞不足見通

按婦人一切外感內傷等症與男子同無庸另立法惟經帶胎產癰癩等疾多端必從調經種子等法探本索源而後可施用今因金匱要略有治婦人方論一卷故亦略載婦人常用之方數十首至其全體仍當取唐宋以來專門之書詳考之

小兒此卷方論俱從錢氏直訣選出其外有小兒常思之症而方未備者更考他書補入治小兒之法大端略其所遺之方藥一概全錄不必更將他卷查閱以便業幼科者專取此書編習可也

脈法

脈弦急和 脈沉緩傷食脈促結虛驚脈浮為風脈沉細為寒脈亂不治 全幼心鑑云小兒一歲以前

看虎口食指寅卯辰三關以驗其病寅卯辰即風氣命三關也 脈紋從寅關起不至卯關者易治若連卯關者難治

若雷侵卯卯侵過辰者十不救一其脈紋見有五色如因驚必青瀉痢必紫當以類而推之一歲後則

可用一指轉側辨其三部脈弦急浮沉四五歲後脈七八至而細數者為平九至者傷十至者困六至

五至者為虛為寒弦緊為風痲弦急為客忤

面部症

左腮為肝右腮為肺額上為心鼻為脾頰為腎若色赤者熱也宜隨症治之

眼部症

目內色赤者心實熱淡紅者心虛熱青者肝實熱淡青者肝虛熱黃者脾實熱微黃者脾虛熱白而淚者肺實熱目無睛光者腎虛也

五臟虛實寒熱

心主驚實則叫哭發熱飲水而搖虛則臥而悸動不安視其睡口中氣溫或合面睡及上竅咬牙皆心熱也心氣實則喜仰臥

肝主風實則目直大叫呵欠項急頸悶虛則咬牙多欠肝熱則手尋衣領及亂捻物壯熱飲水喘悶目赤發揚肝有風則目連劄得心熱則發搖或筋脈牽擊而直視風甚則身反張強直不搖心不受熱也當補腎治肝

脾主困實則困睡身熱飲水虛則吐瀉生風面白腹痛口中氣冷不思飲食或吐清水呵欠多睡者脾氣虛而欲發驚也

肺主喘實則悶亂喘促有飲水者有不飲水者虛則哽氣長出氣肺熱則手指眉目鼻面肺盛復感風寒則胸滿氣急喘嗽上氣肺臟怯則唇白悶亂氣粗喘促哽氣者難治肺虛甚也

腎主虛無實也惟瘡疹腎實則變魚陷若胎稟虛怯神氣不足目無睛光面白顛解此皆難育雖育不壽或更加色欲變症百出愈難治療或目畏明下竅者蓋骨重而身縮也咬牙者腎水虛而不能制心火也

變蒸

小兒在母腹中乃生骨氣五臟六腑成而未全。自生之後即長骨脈五臟六腑之神智也。變者易也。自內而長自下而上又身熱故已生之日後三十二日一變。變每畢即情性有異於前。何者長生腑臟智意故也。何為三十二日長骨添精神。人有三百六十五骨。除手足中四十五碎骨外有三百二十。自生下骨一。日十段而上之十日百段三十二日計三百二十段為一遍。亦曰一蒸骨之餘氣自腦分入髓中作三十二齒。而齒牙有不及三十二數者。由變不足其常也。或二十八日即至長二十八齒以下。做此但不過三十二之數也。凡一周遍乃發虛熱。諸病如是十周則小蒸畢也。計二百二十日生骨氣乃全而未壯也。

急驚風症治

小兒急驚因聞大聲或驚而發搐。搐正如故此熱生於心。身熱面赤引飲口中氣熱二便黃赤甚則發搐。蓋熱其生風陽盛而陰虛也。宜利驚丸除其痰熱不可用巴豆之藥。

慢驚風症治

小兒慢驚因病後或吐瀉或藥餌傷損脾胃而肢體逆冷。口鼻氣微手足厥冷昏睡露睛此脾虛生風無陽之症也。小兒初生壯熱吐哕身體強直手足抽掣自反直視是胎驚風症也。

發搐症治

驚癇發搐男則目左視無聲右視有聲女則右視無聲左視有聲相勝故也。欲驗逆順男則握拳母指

又入食指中為順於外為逆女則又入食指為逆於外為順仍參吮乳不能類以治其母後做此

若傷風發搐口中氣熱呵及頻悶手足動搖。若傷食發搐身温多睡或吐不思食。百日內發搐直者不過二三次必死假者頻發不死直者內生驚癇假者外傷風冷血氣未實不能勝任故發搐。

癲癇症治


凡治五癩皆隨臟治之每臟各有一獸之形並用五色丸治之變而重者死病甚者亦死若反折上背其聲如犬症屬肝也若目瞪吐舌其聲如羊症屬心也若目直腹痛其聲如牛症屬脾也若驚跳反折手縱其聲如雞症屬肺也若肢體如尸口吐涎沫其聲如猪症屬腎也

附面部三指診症圖



小兒半歲之間有病以名中食三指曲按額前眉上髮際之下若三指俱熱感受風邪鼻塞氣粗三指俱冷感受風寒臟冷吐瀉若食中二指熱上熱下冷名中二指熱夾驚之候食指熱胸膈氣滿乳食不消

附虎口三關脈症圖



水鏡錄云陰陽運合男女成形已分九竅四肢乃生五臟六腑部位各分逆順難明若憑口舌之浮沉必至橫亡於孩子須明虎口辨別三關消詳用藥必無差誤未至三歲看虎口三關若脈見風關尚易治交氣關則難治交命關為死症又當辨其色如獸驚三關必青水驚三關必赤人驚三關必黑若紫色主瀉劑黃色是雷驚三關脈通度乃極驚之症必死有紋或青或紅如線直者是母食傷脾左右一樣者是驚積齊發紋有三停白主肺傷風痰或黝黯聲青主傷寒及嗽紅主泄瀉有黑相兼主下劑紅多白痢黑多赤痢有紫相兼虎口脈亂乃氣不和也蓋脈紋見有五色由其病具色能加變即至純黑者不可得而治矣

五臟瘡疹證治

小兒在胎食五臟血穢伏於命門若遇天行時熱或乳食所傷或驚恐所觸則其毒當出初起之候面燥腮赤目胞亦赤呵欠煩悶下涼下熱咳嗽嚏噴手足稍冷驚悸多睡宜究其何臟所發察其何因所起令乳母亦須節飲食慎風寒五臟各有一症肝臟水疱青色而小肺臟膿疱色白而大心臟瘡色赤而小脾臟瘡小次麻故色赤黃淺也先發膿疱後發疹子者順先疹子後癍者順反此為逆惟腎無候但見獸